

焦

氏

說

楷

說楷小序

余兄茂孝負絕人之才深著

古學於典籍靡該用宏微所不涉博極

羣書而目無再過所爲詩若

古文辭靡所不詣落筆千言

而手無腐毫人所訖三窮年

者以談咲致之何其異也每披

覽有會与夫聞見所經輒以劄

記久之成帙題曰說楷試一展

說楷歷紀

記

力能外功固但多漫漶不經之謬

以傷

信

平余故取其言

亦可少存

以傳

其事

讀

力能外功固但多漫漶不經之謬

以傷

信

平余故取其言

亦可少存

以傳

其事

揮

力能外功固但多漫漶不經之謬

以傷

信

平余故取其言

亦可少存

以傳

其事

揮塵詞場分鑣

力能外功固但多漫漶不經之謬

以傷

信

平余故取其言

亦可少存

以傳

其事

余兄少而奇穎

力能外功固但多漫漶不經之謬

以傷

信

平余故取其言

亦可少存

以傳

其事

余兄少而奇穎

力能外功固但多漫漶不經之謬

以傷

信

平余故取其言

亦可少存

以傳

其事

補博士弟子員十七省墓東省
會學使者行部至面試之見其
文絕出一時時使者自作剪輯
賦未就因以屬兄次成絕嘆以
爲奇才及入棘闈中之牘競相
賞異已擬第一人而爲直指陝

可惜

厄撤所對策不使入遂不獲與
解額東省士至今談及未嘗不
扼腕也遷延十餘年始得一當
主司業錄徑義以式且署云當
獨擅江左而復以論義稍奇格
不得前何歟余兄了不置慍喜

而一斂向時豪邁之氣。揮志於
學識者咸謂其刻華逐樣大
受可期。迨一上春官歸輒抱病
委頓幾十年。所其間瀕死而生
伯兄暨余所為調護者萬方亦
旣有亟色矣。而倏罹摧萎豈非

少嘗
此無愧
古人矣

命哉猶憶其病中津々謂余於
左傳一書殊有獨解俟疾稍間
當為十論以發其義而今已矣
昔夏侯湛贊東方生云雄節
邁倫高氣蓋世余兄其殆近之
俾獲老其牛以盡於用應無難

附古之三立以聲施後世而卒使
菁華隱沒芳流歇絕良足悲已
余也惟慕參似入奉教於嚴君
退商榷於伯仲家庭之間每相
師友致足樂也乃不四五十年而二
兄相繼淪逝搖々此身觸處成

礙人琴之慟如何可云每年是
編直悽絕不忍復讀矣

萬曆癸丑冬仲弟潤生書

贊譽中仍有一種簡朴之致
至後路情緒纏綿可云得

體

東海翁題

焦氏說楨卷之一

孫卿曰說楨者勿聽也說而使人勿聽說何爲也目不然也世無不可聽之言而有不必聽之言見可聽有不必也見不必聽有不可也吾之說無不可聽而有不必聽故曰說楨也物之大小常相準也事之常與怪者常相參也使怪者常斯常者怪矣小不勝斯大者穢矣吾之說不常而皆其小者也不常則常人疑之小則爲大者遺故曰說楨也

楨

萬曆癸巳季夏焦周題

天一太一天極北極卽北辰星又謂之耀魄寶又謂之昊天上帝北辰星五其一明者爲太一之常居也

紫微曰紫宮太薇爲天德中有五帝座蒼帝威靈仰赤帝
赤熛怒黃帝含樞紐白帝自招拒黑帝叶光紀卽五緯
應五行少微在太微西一曰處士杜詩寂寞江天雲霧
裏何人道有少微星

三台一曰三能卽泰階也在魁下起文昌抵太微西二星
上台爲司命主壽中二星中台爲司中主宗室東二星
下台爲司祿主兵上階上星爲男主下星爲女主中階
上星爲公侯下星爲卿大夫下階上星爲士下星爲庶
人獨曰三公非也三能色齊主君臣和不齊爲乖

五星東方歲星十二歲而周天○南方熒惑三十三歲而周
天○西方太白八歲而周天○北方辰星一歲而周天○中央

鎮星二十八歲而周天歲星爲貴臣熒惑爲小兒歌舞嬉戲太白爲壯夫處林麓辰星爲婦女填星爲老人婦女。

日月之會十一月星紀十二月玄枵正月娵訾二月降婁三月大梁四月沈實五月鶉首六月鶉火七月鶉尾八月壽星九月大火十月析木

觜參間有沈實高辛氏子天駟旁有王良傳說星主後宮禱祠之事

說文物中久雨青黑曰徽楚辭顏徽黎以沮敗淮南子顏色徽墨

五色爲慶雲一曰卿雲一曰景雲三色爲矞雲或曰外赤

內青曰裔雲呂覽有雲於

冬日古呼黃奶子養生家謂脾爲黃婆子貧人呼冬日爲
黃楔子

蠻烟蜃雨

斗七故天數多準七五十八宿皆七也左氏曰天以七紀
日月五行璣政亦七易曰七日來復極永之晝時七則
回夜亦如之詩云終日七襄是也僧家數亡者亦用七
時甲子五日一周周六而成月日甲子兩月一周周六而
成歲歲甲子六十歲一周周六而爲三百六十偶蟲去
百六十而人長之毛蟲三百六十而鱗長之羽蟲三百
六十而鳳長之介蟲三百六十而龜長之鱗蟲三百六

十而龍長之水木用陽六甲六壬火用陰六丁而土金
不用

乾爲天坤爲地乾坤合而爲泰德爲父紅爲母德紅合而
爲東干爲君支爲臣支干合而納音生

子孟婆徽宗小辭孟婆孟婆你做些方便吹箇船兒倒轉孟
婆可與颺母對

萬民皆付西王母惟王聖人道人真人仙人之命上屬九
天君

開元高太素隱商山起六道遙館各製一銘冬日初出銘
曰折膠墮指夢想負背金鑼騰空映簷白醉樓攻媿嘗
取白醉名閣余謂可與黑甜作對

心星房星星皆兩形與男子婦人遞爲雌雄又靈鷲兩體自爲陰陽故能媚人今有人疴余兩都各一見之

水虹屈霓也主雨風虹月暉也主風

榮露騰軒蕭雲掩閣榮露甘露蕭雲卿雲也

山雲草莽水雲魚鱗旱雲烟火渟雲波水

日雲赤暉月雲素雲

金龜宋人君金龜秩序玉宇粵涼

日斜曰曪越絕漁父歌日昭昭漫以曪莊子日方中方睨
楊用修詩渴虹下飲玉池水睨日斜分蒼嶺霞

渴日競辰

夏日爲槐序王晏詩槐序候方調

秦時太白星竊織女侍兒梁玉清逃入衙城小仙洞十六日不出天帝怒命五丁搜捕太白歸位玉清有子名子休配於河北行雨每至小仙洞恥母淫奔之所輒回故其地少雨

玄冥之子曰壬夫娶祝融之女曰丁莘俱學水仙是爲溫泉之神韓詩女丁夫壬傳世婚今星家以丁壬爲淫合混元聖紀云混元一始萬劫至於百成百成亦八十萬億年而有太初太初之時老君從虛空下爲太初之師又自太上生後復八十一萬億八十一萬歲乃生一炁李詩天子九九八十一萬歲歲歲長傾萬壽杯

阮籍詩陽和微弱陰氣竭海凍不流綿絮折庾肩吾詩勁

集解
氣方凝海清威正折綿張說詩塞上綿應折江南草可
結山谷詩霜威能折綿風力欲冰酒文人之相勦如此
麥氣始清和何遜句也荆公晚風生麥氣本之

潘岳述哀詩雨絕無還雲太白全用其語

宅西曰昧谷古注疏引之作度西曰柳谷柳一作櫟字訓
云穀日出之色櫟日入之色周禮注衣翫柳之材曰柳
之爲言聚也諸飾之所聚鄭司農云柳者諸色新聚日
將沒其色兼有餘色也余鄉李士龍云柳從卯卯古酉
字酉正日入時羣色著木上故曰柳谷此說甚奇李通
六書言或有據

觱篥亦名風管詩一之日觱發蓋寒風悲慘觱聲似之諺

云三九二十七籬頭吹觱栗是也莊子所謂地籟宋玉所謂土囊殷仲文詩爽籟驚幽律哀壑叩虛牝

周禮漏下三商爲昏商音滴蘇易簡文三商而眠高春而起淮南子經於泉隅是謂高春頓於連石是謂下春梁元帝詩斜景落高春又高春斜日下薛能詩隔溪遙見夕陽春南史求衣昧旦晏食高春王僧孺表高春之景一斜不周之風忽至駱賓王露布照盡高春雲昏乙夜李義山詩碧空隨轉笠紅燭近高春柳子厚詩空齋不語坐高春

王水注素問引月令七十二候與今呂氏春秋及曆中所載不同如桃始華爲小桃華雷乃發聲下有芍藥榮田

鼠化爲駕下有牡丹華王瓜生作赤箭生苦菜秀作吳
葵秀麥至作小暑至蟄蟲坏戶下有景天華按牡丹不
經見天寶間始有木芍藥其名猶未立也周公作月令
豈豫知後世之有此耶大寒小暑立秋立冬
立春立夏明者吐氣者也故火曰外景幽者含氣者也故水曰內景
古詩繁星衣青天注作依非也春秋緯代殷者姬昌曰衣
青光衣之爲言被也

僧規以六時經行六時宴坐經行六時曰幽谷時寅高山
時卯日照高山平地時辰可中時巳正中時午鹿苑時
未劉長卿詩六時行徑空秋草

玉女投壺每投十枝百二十梟設有人不出者天帝爲之

醫噓楊大年詩書題枉自藏三尺壺史誰同賽百嬌嬌
本梟字醫噓耗賸

漢書律曆志上元至伐桀之歲十四萬一千四百八十年
列子楊子云伏羲至今三十餘萬歲邵子皇極數斷以
天地始終止十二萬八千年參之二說天地之始終且
兩過矣

田家以夜雨晝晴爲夜春

斗有母徐理見之而生遁有母戴淳見之而死

春梢

夏不改正商不改月周則改正以示統改月以隨正
人能盡數天星則徧知綦勢

積麥以十辛日下子不得過三辛收穀不得過二辛上場
入倉亦用辛日

天神之大者昊天上帝卽耀寶魄也亦曰天皇大帝亦曰
太一其佐曰五帝東方青帝威靈仰南方赤帝赤熛怒
西方白帝白招拒北方黑帝叶光紀中央黃帝舍樞紐
一說蒼帝名靈符赤帝名文祖白帝名顯紀黑帝名玄
矩黃帝名神斗

酉陽雜俎諾臯記載天翁姓張名堅字刺渴漁陽人竊騎
劉翁車乘登天劉翁遂失治又晉咸康中士人周謂死
去見天帝面方一尺曰此古張天帝耶左右曰上古天
帝久已化去此近曹明帝也豈天帝猶在輪迴真如釋

氏之說耶

漢元帝永平中日無光長安無鳥物類相感志云日無光則日烏不見日烏不見則飛鳥隱寢

水生於金故百川發源皆自山出由高趣下歸注於海日爲陽精光耀炎熾一夜入水所經焦渴百川歸注足以相補

望月滿之名也月大十六日小十五日在西月在東遙相望也朏月未成明也魄月始生魄然也承大月月生二日謂之魄承小月月生三日謂之朏

月暉左角角蟲多死

羅睺此云障持化身長八萬四千由旬舉手掌障日月世

云日月食佛誠云修羅修羅汝莫吞月月能破暗能除
衆熱

雹主醬味不正當時取一二升醬甕中卽如本味
正月雨水夫妻各飲一盃還房當獲有子神効也
正朝占四方風來從南旱從北溝從東疫從西兵
子日沐令人愛卯日沐令人白頭

雨露沾衣裳者謂潤兵不沾衣裳者謂泣軍

南齊志漢尚書令黃香曰日蝕皆從西月蝕皆從東無上下中央者

冬至日陽之進也夏至日陰之進也故於文爲晉晉者進
也二至之日也今作晉省文也

氣行於身與日相應日行二十八宿又三十六分人氣行一周天亦一千八分凡經脈一周長十六丈二尺人一呼脈再動一吸亦脈再動呼吸動息脉五動閏以大息凡十息氣行六尺二百七十息一周於身漏下二刻日行二十分二千七百息氣行十周於身漏下二十刻日行五宿又二十分至一萬三千五百息氣行盡五十營周於身計八百一十丈應漏下百刻日行二十八宿終常以一十周加之一分又十分分之六則奇分盡矣從房至畢爲陽陽主晝自昴至心爲陰陰主夜凡日行一食漏下三刻又七分刻之四一刻氣在太陽二刻氣在少陽三刻氣在陽明四刻氣在陰分蓋一舍而與陰分

矣漏傳不止氣行亦然

氣之運行凡一時一千一百四十五息一晝夜計一萬三千五百息

風鳴葉者腋在千里鳴條者百里搖枝者四百里金器自鳴及焦器者軍疲也氣如驚鹿敗軍氣也可入人體

南嶽有雨師似蛹長七八寸似蛭又有雲師如蠶長六尺似兔天有雲雨輒出石上肉甘可食

甲子逢單日爲雄雙日爲雌雌甲子雖雨不害詩云老尚

誇雌甲狂寧作散仙

天王在位化成道昌則心星見刑罰平則井星明道被草木營室歷九象而可觀天下和平五穀豐稔則胃明天

下大安四夷來王則畢明天下和平賢人進用則角明
軍備藏府盛則觜觿明

微子感牽牛星顏淵感中台星張良感弧星樊噲感狼星
夏后氏金行初作葦茭言氣交也殷人水德以螺首慎其
閉塞使如螺也周人木德以桃爲梗言氣相更也

金波謝舉詩勢高凌玉井臨迴度金波謝朓詩金波丽鶡

鵠玉繩低建章

春秋分夜半時汲井水滿瓮中封閉七日發視有水花生
於瓮面如輕冰可採爲藥

五日作赤靈符以辟兵唐詩欲謝君恩却無語胸前笑指
赤靈符

麟亡星落月死珠傷

麒麟鬪而日蝕鯨魚死則彗星出嬰兒啼婦乳出
珠胎與月盈虧月死而螺蚌焦又蚌聞雷聲則麻

織女耀而瓜薦大昴中而芋食

西海之西有浮玉山陰火出焉海賦陰火潛然顧况詩陰
火暝潛燒

鹽泉海目油井水脂

河北得水爲河塞外得水爲海少而多之也滇雲稱山曰
長坡貴竹名雨曰清露多而少之也

河厲

九圓 九有 九藪 九縣

太山爲天孫

火井在臨印汲之得硫黃油蜀都賦火井沉熒於幽泉
火泉在延壽縣南山 火池在伏龍山 然石出建城
縣色黃理疎以水灌之則熱安鼎其上可炊也

沓潮唐詩屯門積日無回飈滄波不歸成沓潮

蜀自綿谷葭萌道路險窄擔者不容易肩故云左擔杜詩
左擔犬戎屯

澄水泉一名流渠出滄洲久視山金石不沉洲人以瓦鐵
爲船

秣陵孟娘山有白墡土周護以調塗四壁因呼隱士泥
京師眼福錢福病福屏帷福吳越口福洛陽花福蜀川藥

福秦隴鞍馬福燕趙衣裳福

睢州無北門。邳州不迎春。云迎春。蝎能螫人至死。蕭縣不撞鐘。撞之則水至。

水占經。引水占。以水占。列子伊尹生於空桑。尚書大傳伊尹母行汲化爲空桑父尋至水濱見桑穴中有兒演孔圖徵在遊大家之陂。生孔子於空桑。呂氏春秋顓頊生自弱水實處空桑今冀北有空桑山。陳留南一十五里亦有空桑山。又魯南亦有空桑山。今名空竇。按楚辭考玄冥於空桑。豈顓頊之生當在冀北。孔子之空桑在魯南。而伊尹生於陳留之空桑山。無疑矣。

日中而市曰集市罷則虛曰虛峒岷詩綠荷包飯赴虛人
瀚海火州柳城東北沙深五尺大風則行者人馬相失沙
中生草名登相可食非眞尾間也今云瀚海波澄者固
誤張茂先亦以霍去病北伐至瀚海爲北海何耶

按遼史西夏出登麻一統志韃靼產東牆似蓬草實如
穄子十一月始熟子虛賦雕胡東牆廣志東牆色青黑
粒如葵子似蓬草十一月熟出幽涼並烏丸地魏書烏
桓地宜東牆今甘涼銀夏之野沙中生草子細如饈粟
堪作飯俗名登粟一名沙米按登粟登麻東牆皆登相
之誤不必瀚海始有之也

溪毛山寒石瘦水落溪毛涸

嵩山有玉女搗帛石秋夜聞杵聲

曉後之說

武都山精化爲女子蜀王開明納之物化築壠數畝以石
鏡表其門

燕土盧故爲盧龍盧黑也淮南子女媧殺黑龍以濟冀州
濟性勁源於晉伏流地中乍見乍伏一支穿太行爲百泉
一支爲濟源出山東爲七十二泉漢性曲其流十里九
灣郢汙之間瀦爲澤藪皆漢之漾也語曰勁莫若濟曲
莫如漢

雲林石譜湘鄉縣巔有石臥生土中形酷類魚燒之有魚
腥氣又隴西地名魚龍掘地取石亦多魚形與湘鄉所
產無異杜詩水落魚龍夜正謂隴西耳

禹貢導渭自鳥鼠同穴孔穎達曰「鳥一鼠共爲雌雄同穴而處山因得名蔡仲默以爲不經岳季方戌莊浪見鳥頂出毛角鼠缺脅似兔蓬尾似鼬彼此相狎孔說如此而誕之蜀犬吠日蔡見也夫

夏虫不可比水

甘肅志涼州有兀兒鼠尾若贊疣鳥曰本周兒形似雀色灰白杜詩水落魚龍夜山空雀鼠秋或謂以魚龍水對雀鼠山兒西溪叢語及覽峯嘉州魚龍川北蟠溪兩鳥鼠山西洮水雲始知西溪有所本耳

天苴卽天巴天漢天棧山有天谷卽青城山天棧楊雄蜀本記曰有王曰杜宇出於天蓼山有朱提氏女爲杜宇妻曰望帝石有天牙又海曰天池江曰天塹

崑崙山北地轉下三千六百里有八玄幽都方二十萬里
地下有四柱四柱廣十萬里地有三百六十軸犬牙相
錯

地南北三億三萬五千五百里中爲崑崙廣萬里高一萬
一千里出五色雲五色流水最中八十城布繞之中國
東南隅居其一分是奸城也

地有四遊冬至地上北而西三萬里夏至地下南而東三
萬里春秋二分其中也

河出崑崙墟江出岷山濟出王屋淮出桐柏渭出鳥鼠漢
出嶓冢洛出熊耳涇出少室汝出燕泉泗出陪尾汙出
月台沃出太山

可以補禹貢之未備

君山有道與吳包山潛通上有美酒數斗得飲者不死
廷州灞水金銀鍊器盛之皆漏惟瓠葉不漏

徐州人謂土爲蓬塊吳人謂土爲跋跋

漢人適吳設筭問之竹也歸而煮筭不熟謂妻曰吳人轆
轆欺我如此博雅轆轆車軌道也

蜀人曰川翥一作翥

益陽州人夜同寢每無故忽相打曰沙廳

龜山西南十里有漏澤澤五穴春夏盈秋冬涸將漏時先
有聲居人扈穴取魚隨秧麥水至麥已稔矣

鯀化爲黃龍入於羽淵今在沂州東南二十里羽山下名
羽潭一名羽池傍生細柳獸不敢踐

王子年拾遺鱣沈羽淵化爲玄魚後人修玄魚祠以祀之嘗見其浮躍出水長百尺瀆水激浪必降大雨卽墨東南六十里有大勞山又名勞盛山夫差登之得靈寶度人經樂子長遇仙授以巨勝赤散方服之百八歲登此山仙去秦始皇至此登蓬萊立馬陰山遣石人驅此山不動故又名牢山石人今陰山及海濱諸山往往有之

梓桐山有鬼谷洞鬼谷弟子蘇張輩五百餘人鬼谷爲作窟深二丈曰有能在窟中說使泣者則能分人主之地矣秦下說之鬼谷泣下

濟南郡西山有烏石王母使者漢武登此得玉函化爲白

鳥飛去世傳上有王母葬函鳥常守之故名函山

按青州志又以爲沂山俟考

生
孝婦
泉
水
都

籠水一名孝婦河齊有孝婦顏文姜事姑孝遠道取水不以寒暑易心靈泉生於室文姜嘗以緝籠蓋之姑怪其須水卽得發緝籠竊觀之水卽湧湧壞其居宅

古平陵城西北有陰地數畝天色澄碧亦若雲陰記謂青州有地鏡水影亦此類也

齊國有山山有泉如井深不可測春夏時雹從井出常敗五穀人以柴塞之不塞輒出號曰柴都

諸城有孝子灣亘四五里清瑩不涸嚴冬冰合惟中央二三尺不凍相傳王祥臥冰處上有祠西遷注洛城澗水

西數里有孝水，上有王祥祠塚。或以爲臥冰處非也。西征賦止云：潔孝水之濯纓，而水經注亦不及臥冰事。其爲傳會無疑。一統志：望江有臥冰池。沂州有王祥河，名孝河。又云：孝塚在沂州北二十五里。祥臨沂人，此或爲是。

泰山上多玉，下多金，有獸狀如豚，而有珠，名曰洞狽。

濟南郡方山南有明鏡厓。石方丈，魑魅行伏，了了鏡中。南燕時，鏡上有漆山神惡其照物，故漆之。永州祁陽縣，浯溪山岩側有石，廣數尺，光照十餘步。土人謂之石鏡。杭州臨安縣山中一石，光明如鏡，盤山三湖中。湖有石鏡半規，能鑒天日。山河人物。

蜃山本海中山山神好移海神鎖之挽鎖斷飛來猶有鐵索大如人臂繞山再布

西王之廟不知何處

朝陽之谷神曰天吳是爲水伯其爲獸也十八尾八首人

面八足吳音華後漢戴就被收獄吏燒鋟斧使就挾之

注引何天承纂文張揖字詰錄音華又詩不吳不敖不

吳不揚皆音華水伯

波臣波臣亦可對海客牛僧孺詣于頓頓以海客遇之

東海渚中有神人面鳥身珥兩黃蛇名曰禺驁黃帝生禺驁禺驁生禺京禺京處北海禺驁處東海

東海有流波山入海七千里有獸如牛蒼身無角一足出入水則風雨光如日月聲如雷其名曰夔黃帝以其皮

爲鼓擬以雷獸之骨聲聞五百里
登州海畔有大石龜相傳魯般作夏則入海冬復止山上
陸機詩石龜常懷海我寧忘故鄉臨邑有葉公墓碑趺
龜常負碑入水上常有萍藻有伺之者因叫呼龜乃走
墜折碑焉

以奇一夕確

蒙山有季隨隱跡蕭穎士蒙山詩子尚捐俗紛季隨躡遐

軌

禹獲渦水神鎖之龜山曰無支祈一作巫支祈無巫音近
而譌耳形若彌猴伸頸百尺力踰九象東坡詩川鎖支
祈水尚渢

瀉山一名天柱三峰鼎峙拒雲槩日

震旦又作真丹王半山辭將他死語圖度怎得離真丹
涼州爲塞北江南歷下有湖山之勝號小江南唐韋蟾詩
塞北江南舊有名

連州有斟溪一日十溢十竭安寧州有潮泉一日三溢三
蘸貴陽有漏沕一日百盈百涸京師有滿井水湧尺餘
歷下諸泉夙湧三尺今漸減每淘之輒復湧

東海之別有渤海南海之別有漲海西海之別有青海北
海之別有瀚海

鰈海魏收文苑龍荒而牧駿池鰈海而觀魚余謂鰈海亦
可對鳳林水經注鳳林山五蠻俱峙杜詩鳳林戈不息
魚海路常難張藉詩鳳林關裏水長流岑參詩鴈塞通

鹽澤龍堆接醋溝郭緣生述征記醬鬼城至醋溝凡十

里

子胥諫夫差曰齊晉山居陸處豈能越十七阨以有吳哉
十七阨可對百二關

晉書紫濛移構玄塞分疆紫濛山慕容氏所居

茶首蔡滇中兩頭鹿出青華洞洞峴奇詭昔人糜糖以
入殆十許里炬滅而返自後無人窮其際者

臨朐逢山有石鼓天下亂則聲聞數十里長興夏駕山

有石鼓鳴則三吳有兵冀縣大鼓山有石鼓河鼓星
動則石鼓鳴鳴則秦土有殃蜀中出石鼓無聲張茂
先謂桐木刻魚擊之可聲聞數百里吳興故鄣縣海

溪山直豎一石磨聲若風雨土人云轉疾則年豐轉遲
則年儉信豐有石塔高九重而無影影見則災華山
高若四合重嶺秀起上有石池浦北有石鼓

洋山在海中有廟廟門神曰呂門官厨多鼠夏多蠅預告
其門神卽絕

自三危發石負東北地絡之陰東及泰華北抵常山東狗
塞而至朝鮮是謂北紀自岷山嶓冢負西南地絡之陽
東及秦華南踰江漢東狗嶺而至閩是謂南紀北戎爲
胡門南戎爲越門

自北紀之首與地絡相會分而東流與涇渭濟相表裏謂
之北河自南紀之首與地絡相會分而東流與淮漢相

表裏謂之南河

橘踰淮而北爲枳鶴鵠不踰濟貉踰汝則死鄭玄以爲汝水非也水土異性故舉四瀆言魯汶水闊不過數里源不過二百里揭厲皆渡斯須往還豈狐貉暫游生死頓隔哉

海外蓬萊閬苑有五岳靈山一曰廣乘山天之東岳在東海中居九氣青天之內二曰長離山天之南岳在南海中居二氣丹天之內三曰麗農山天之西岳在西海中居七氣素天之內四曰廣野山天之北岳在北海弱水中居五氣玄天之內五曰崑崙山天之中岳在八海之間上當天心形如盤蓋東曰樊桐西曰玄圃南曰積石

北曰閬苑居於中元一氣天中焉仲尼得道爲真官
住廣乘山孔子當時以爲修己生商亦有二仙
河南志首陽山凡五惟偃師首陽世傳夷齊隱此上有夷
齊墓然蒲坂首陽亦有墓有祠

永城北四十里有鄧陽相傳爲鄧侯食邑用修云蕭何食
邑在襄陽之光化縣漢有兩鄧侯豈遂爲兩地耶豈襄
近關中永城近雒遂各以封耶侯封由地起名未聞改
地名以從之者

用修謂蕭何食邑鄧在襄陽光化始竊疑之及考茂陵書
蕭何國在南陽鄒氏分明云沛郡之鄧音嗟南陽之鄧
音贊不聞在襄陽也

班孟堅十八功臣銘文昌四友漢有蕭何序功第一受封
於鄼是鄼與鄧本爲二地班漢人必得其真顏師古直
以何封南陽何李濟翁至訝人呼鄼侯併其音義名實
盡失之唐詩麒麟閣上識鄼侯史記作鄧或後人傳寫
之誤耳

水經注瀘水傍瘴氣特惡中有物不見其形其作有聲中
木則折中人則害名鬼彈蜀都賦鬼彈飛丸以燭燬
水經丁溪水在泗水東泗水冬春淺澁常排沙通道陸機
賦乘丁水之捷岸排泗川之積沙牧之詩疊嶂巧分丁

字水

南岳之鎮曰衡以其分當軫翼光輔紫宸鈴三氣之根鈞

五靈之德上列注生之宿下符長育之功稱物平施故謂之衡山五岳真形圖云潛霍廬臥麻玉笥洞陽小有九疑羅浮等十山爲之佐命復有神仙聖境曰朱陵洞洞天也

衡山雲密峰禹治水登焉立碑紀其山高下丈尺皆科斗文字近代樵人或有遇者其碑至靈隱而不見

上真記云太虛真人領南岳司命卽炎老君也潛山真人鮑君副治霍山真人韓君佐治金華真人黃君初平天柱真人左君元放南霍真人鄭君思遠霍林真人許君聯丹霍真人周君陽紫虛元君魏夫人華存並居佐命之曹吳越楚蜀之會皆當司察之

石頭山
水口
至多矣
號

斷石源有石高數丈闊數尺而中斷上有鑄字云此有丹砂水如乳而甘香得掬飲之可壽千歲遊者到此唯聞下有流水聲左聽落右右聽落左罕有遇者

石衣海髮

白公杭州春望詩紅袖纖綾誇柿蒂青旗沽酒趁梨花杭土產綾曰柿蒂不知者妄改柿葉又杭俗釀酒趁梨花時熟號梨花春

嵩高少室廟神爲啓母塗山氏妹韋蘇州詩釣臺水綠荷已生少室廟寒花始獨楊盈川少姨廟碑虞帝二妃湘水之波瀾未歇蔣侯三妹青溪之軌跡可尋

雲南志風土多媛至有八蠶吳都鄉貢八蠶之綿李商隱

燒香曲八蠶綿蠶分小炷獸焰微紅隔雲母抱朴子南
海晉安有九熟之稻可對周禮禁原蠶淮南子原蠶一
歲再熟王法禁之者爲殘桑也注爲其傷馬以蠶爲末
塗馬齒卽不食以桑葉拭去乃食蠶馬類也物莫兩盛
如此

自岱山及二天宮皆取海水煉鹽所謂熬波也宋人茶馬
表摘山對歷塊余謂亦可對熬波又鹽曰金鹵茶曰玉
茸又鹽爲天藏茶作月團

武都丈夫化爲女子顏色絕美蜀王納之無幾物故遣五
丁擔土作家蓋數畝高七丈號武擔山其石俗名石筍
或曰下郎海脈一云昔爲大秦寺門樓十間皆以真珠

翠碧貫之爲簾雨後多拾得杜詩君不見益州城西門
陌上石筍雙高蹲古來相傳是海眼苔蘚蝕盡波濤痕
雨中往往得瑟瑟此事恍惚難明論

峭壁則崩剝而通風懸崖則摧頽而瀉日

卷之五

汝上縣有思聖堂堂前有石準坎其中書大準字游魚在
四隅取平政之義蓋孔子遺物汝上卽古中都

炎帝祠在衡州二杉一榮一枯大數十圍高不可測根節
如鐵石乃異人所種莫敢剪伐

武當山在襄陽均州南三舍許盤亘八百里上有七十二
峰中有三十六岩二十四澗羣峯擢秀靈氣攸集是爲
嵩岳之儲副荆襄之洞天福地也

滁志庶子紫薇香泉萬斛以爲供給鄉那幽谷白雲千頃
以爲職田

瓊海之潮不以晝夜望以前東流望以後西流古今賦賦
洞庭爲長江巨浸君山在洞庭孤絕處春冬則葱蒨彌望
秋夏則浩渺兼天

青原山甚高峻前有劃壁一片跨深澗而立若翠屏然諸
峰環拱老樹插其左右泉潺潺灌林中景象殊爽
建康之鷄鳴每日濱於二春萬雲流西閣暉而夕姿態橫
生一晡百變

眞寧是軒轅葬衣冠處山中靈湫神龍所蟄中有落葉鳥
輒銜去

吳興米炊之飭香白馬豆食之齒醉

鄴中產巨栗脫其殼可以爲盃

琴莊有溶溶軒軒前有池度池得圓筇磴上自在峰蘭先
生日往峰上採蕨蕨生九股以釀醋異常守臣取進之
封峯曰瞬碧侯

鶩管山霜可染紫白庶潭露能染紅爲天下冠

強村有水方寸許人欲取之唱浪淘沙一曲卽得一盃名
樂音村

無棣有灰山山南有石竈其中二麥無數取之不極

甘塘社有秘密泉牛馬猪羊飲之肥澤鷄鴨鷺鳳飲之輒
死

山中有葱下必有銀有薤下必有金有薑下必有銅錫山
中有王者木旁枝下垂謂之寶苗

海南有桃竹江西有夾竹桃唐順之詩桃竹舊聞生碧海
竹桃今見壓朱欄

揚州在唐時最爲富盛舊城南北十五里一百一十步東
西七里三十步有二十四橋最西濁河茶園橋次東大
明橋入西水門有九曲橋次東正當帥牙南門有下馬
橋又東作坊橋橋東河轉向南有洗馬橋次南橋又南
阿師橋周家橋小市橋廣濟橋新橋開明橋顧家橋通
泗橋太平橋利國橋出南水門有萬歲橋青園橋自驛
橋北河流東出有參佐橋次東水門東出有山光橋又

自衙門下馬橋直南有北三橋中三橋南三橋號九橋不通船不在二十四橋之數

山之神名曰燭陰視爲晝瞑爲夜吹爲冬呼爲夏不飲不食不喘不息身長千里人面蛇身赤色治水有一歷陽母門吏告汙血於門限母使上北山縣果陷水中母遂化爲石淮南子云歷陽之都一夕成湖論衡亦云歷陽之郡一夕化成湖

未央殿東北二里許蓋鍾室故處有丈餘隙地草色皆殷赤傳是韓淮陰血瀆華清池石蓮花上有殷紅數點云是太眞入月所遺入月漢書云舛變

金陵與水沉浮號曰地肺許渾詩高閣懷地肺遠賦憶天

胎漢北地郡靈洲縣在河中隨水高下未嘗淪沒號曰
河奇濠州浮山洞在淮上夏潦不能及而冬不加高故
人疑其浮也吳興郡南門外十里許大溪中有小洲廣
一畝餘上草樹鬱然隨水高下名浮玉山

武夷山有石如立壁巔隱一泉分七派山僧顛堅名七絃
水

塗山歌於候人始爲南音有娀謡乎飛燕始爲北音夏甲
歎於東陽東音以發殷釐思於西河西音以興

廬山宮亭湖神能分風上下船皆便怪山

叙州小梁山四時常雨霖霪不止俗呼大漏天小漏天

汙陽有丙穴柏枝亦有丙穴丙向陽多產嘉魚或曰魚以

丙日出非也蜀都賦嘉魚出於丙穴子美詩魚知丙穴
由來美子京詩可但魚知丙非徒字識丁

彰德府南郭村井產石墨可書東京賦黑丹石緇魏都賦
黑井鹽池玄液素滋是也無勞山出石墨爨之彌年
不消宜陽縣有石墨山汎陽有石墨洞贛州興國縣
上洛山皆產石墨廣東始興縣小溪中亦產石墨婦女
取以畫眉名畫眉石是也陶南村曰延安石液嘗考
延州高奴縣石脂水膩浮水面可膏車炷燈名曰石漆
宋時用以燒酒造墨不審石墨天成不假烟也南村未
深考耳

石燭延安石油也可熏烟爲墨一名水肥一名石脂

名石液唐詩石烟多於洛陽塵又方鎮編年錄云地脂食之不死嵩高山記嵩高山上石室前有石柱上有石脂石脂滴下人服一合得仙

按黑石脂一名石墨一名石涅古者擣之以爲香煤張正見詩香散綺幕室石墨彫金爐徐陵詩奇香分細霧石炭搗輕紈本草云久服延年亦出潁川陽城又石漆堪然博物志云酒泉南山出水如肥肉汁取著器中如凝脂正黑與膏無異魏武起三臺南曰金雀北曰冰井上有冰室室有數井藏水及石墨焉石墨可書然之難盡亦名石炭

鹽麴子蜀人謂之酸桶博物志云酸桶七月出穗蜀人謂

之主音穗上有鹽著可爲羹亦爲酢桶吳人謂之吳鹽
江南射工海南水弩水弩四月一日上弩射人八月後卸
弩

豐山之鍾霜降則自鳴

江陵有猛人化爲虎好著紫葛人足無踵

淮水出琨珠珠有聲

怯赤山出石紱織爲布火不然

禹戮防風御二龍行域外至南海經防風防風之二臣怒
射之二龍昇去二臣恐以刃貫心禹哀之拔其刃療以
不死之草是爲穿胸民

無君民無男死埋之心不朽百年化爲人細民肝不朽亦
無君民無男死埋之心不朽百年化爲人細民肝不朽亦

百年化爲人皆穴居

蒙雙民高陽有同產爲配帝放之此相抱而死神鳥以不死草覆之七年男女皆活同頸二頭四手

獵子婦人妊七月臨水而產便置水中浮則收沉則棄
越雋國牛割肉不死經日肉乃復生如故金樓子大明底
有白皮牛割肉明日愈

長肱卽長臂人臂長三丈穆王封於黑木之西河
三身國一頭三身三手容戎氏有季子好淫帝放之遂妻
馬生子人身有尾蹄

馬人昌黎詩衙時龍戶集上朔馬人來

大人國人乘雲不能走孕三十六歲生白頭龍類去會稽

集說卷之三
四萬六千里

駭沐國解長子而食之曰宜弟父死謂母爲鬼妻棄之列
子作輒沐國

然丘之國有比翼鳥銜南海之丹泥巢崑岑之玄谷遇聖
則集

周靈王時浮提國獻神書二人或老或少或出或隱肘間
懸金壺四寸上有五龍之檢封以青泥中有黑汁灑地
及石皆成科斗之書

北海幽都黑水出焉上有玄鳥玄豹玄蛇玄虎玄狐是爲
太玄之山玄丘之民

驩兜人面鳥口去南國萬六千里

三言并相踏也子崇山言
印其名也

占城有屍致魚乃婦人目無瞳夜寢頭飛入人家食小兒
穢氣氣侵兒腹必死頭返合體如故移其體則不合而
死又南方有落頭蟲頭能飛亦人種以耳爲翼吳時每
得之王元美謂無身之頭不知何物此豈非無身之頭
也耶

猴玃長七尺人行與婦交生人蜀中西界多姓楊率皆猴
玃化之子孫時有玃爪者

漠北有柙不蘆食其汁立死

漠北種羊角能產羊其大如兔食之肥美

西漠有羶尾大於身之半非車載尾不可行也

沙漠雪盛命兩駝趺其旁終夜不動用斷梗架片氈其上

而寢處其下煖勝肉屏

江南以木架水面葑泥附之曰架田一名葑田隨水上下亦名盜田滇中名曰海筭郭景純江賦攝匪稅之芒種挺自然之嘉蔬交趾作駱田亦音架

回乾野馬川木曰瑣瑣燒之火經年不滅取根製帽入火不然

伊尹生空桑說者誕之虞伯生撰高昌王碑和林山二木出焉一夕有天光降於樹在二木之間樹生瘦如妊越九月十二日而癟裂得兒五最稚者曰卜吉可罕壯遂爲君此更奇於空桑矣裔夷此類甚夥
卷之三十一
沙漠羊順風而行每大風起舉羣萬計皆失牧者馳馬尋

逐有至數百里外方得者

挹婁國人穴居好養豕食其肉衣其皮冬以膏數分塗其身以禦風寒

琉球有象簾漢武金牀象席已先有之矣吠勒國織影犀爲簾文如錦綺武帝雜玉爲簾

勒畢國有細鳥形如大蠅狀似鸚鵡聲聞數里如黃鸝之音亦名候日蟲

漢武帝鑿昆明池有灰東方朔曰此劫灰也淮南子文燭氏積蘆灰以止淫水豈是物耶

黃花老人詩招客先開四十雙按雲南志五畝爲一雙又白夷田種其佃作三人二犁前牽中壓而後驅之犁一

日爲一雙以二爻爲巳二巳爲角四角爲雙王荊公詩
臥占寬闊五百弓蓋佛家以四肘爲弓肘一尺八寸四
肘蓋七尺二寸其說出譯梵

德建國烏滸河灘流中有火祆祠一銅馬國人言自天而
下屈前足在室中後足入土穿視竟不及其蹄西夷以
五月爲歲每歲烏滸河中有馬出其色如金與銅馬嘶
鳴相應俄復入水按祆胡神也佛經所謂摩醯首羅本
起大波斯國號蘇魯支有弟子名玄真習師之法居波
斯國教坊記有牧護宇李燕有牧護詞劉禹錫有牧護
歌皆賽神語

異域志謂南海無男之女感南風而獲孕搜神記述零陵

太守之女飲盥水而有娠觀此則生玄鳥之卵以生商
履臣人之迹而誕棄者未爲誣也

李白詩客到但知留一醉盤中祇有水晶鹽按梁天監中
天竺王屈多遣長史竺羅獻方物云國有恒水甘美下
有真鹽色正白如水精金樓子云胡中有鹽瑩如水晶
謂之正華鹽酉陽雜俎云白鹽崖有鹽如水晶名君王
鹽段公路北戶錄云鹽有如水晶狀者一統志撒馬兒
罕土產水精鹽堅明如水晶琢爲盤以水濕之可和肉
食又傘子鹽亦出北夷

恩州有鹽如絳雪又琴湖池中有桃花鹽色如桃花東
坡詩紛紛青子落紅鹽是也蔡邕書云幸得無恙遂至

徒所自成以西惟有紫鹽也鹽池賦云爛然溪明晃爾
霞亦是又有赤鹽矣

東至開悟南撫多鷗西服壽靡北懷弭耳

北夷酋長秋來春去謂之鷗臣 鴈戶 兮朝 馬人

雀戶

永樂庚寅賢妃權氏侍駕北征至臨武薨謚恭獻妃朝鮮

人穠粹善吹玉簫後朝鮮驛送妃父權永均至拜光祿

卿尋遣歸自是貢女不至雁仙宮辭忽聞天外玉簫聲
花底徐行獨自聽

五十六宮秋一色不知何處月偏明

王司綠宮詞瓊花移入大明宮旖旎濃香韻晚風贏得
君王留步輦玉簫遼亮月中是時有任順妃李昭儀

呂婕妤崔美人俱朝鮮人。按王司綵順德人選爲女官權妃重之特推同輦之愛固辭妾嫠婦何敢充下陳上愈重之。按萬曆甲午平秀吉欲進女求封朝廷駭甚不誅彼肉食者未知先朝故事也。

僬僥人長三尺或云長一尺六寸東北極有崢人長九寸武帝時東郡送一人長七寸名巨燭。西海中有鵠國男女長七寸日行千里遇鵠吞之在鵠腹中不死四地荒中有小人長一寸南志有小人如螻蛄撮之滿手得二十枚鵠之能解之稚則人亦易之方也。又務光長八寸張仲師長尺二寸呂夏卿年老身形漸縮如小兒嶺南鵠巢鵠髮翁亦漸縮如嬰孺未多國人

長四寸、陶南所見人腊長六寸、章武有人腊長三寸、頭項骨肋成就云是僬僥人。

龍伯國人長三十丈、大秦國人長十丈、中秦國人長一丈、臨洮人長五丈、足履六尺、防風氏長十丈、一云四丈五尺、北極人長九丈、勒畢國人長三十丈、支提國人長三丈二尺、三手三足、各三指、多力善走、國內小山能移取、犀象相投擲爲戲。

又穀梁傳長狄兄弟三人、一之魯、一之齊、一之晉、皆殺之、身橫九畝、斷其首而載之眉、見於軾河圖龍文、佻國人、長三丈五尺、晉史襄武縣大人見、長三丈餘、跡長三尺二寸、苻健皇始四年、大人見、長五丈、語百姓張靖曰：

今當太平俄而不見健以爲妄會大雨河渭泛溢中流
得一展長七尺三寸足跡稱展指長尺餘丈深一寸健
曰覆載之中何所不有張靖所見定不虛也拾遺宛渠
之民長十丈南史陳武帝永定三年有人長三丈見羅
浮山隋書仁壽四年有人長四丈見於應門迹長四尺
五寸異域志長人國人長三四丈國初有使往遼陽被
風至其國其人來擎舟斬其一指大若人臂又河圖龍
文天之東南西北極各有銅頭鐵額兵又有金剛敢死
力士天中太平之都有都甲食鬼鐵面長皆三千萬丈
神異經西北海外有人焉長二千里兩脚中間相去千
里腹圍一千五百里又東南隅上大荒之中有樸父焉

古聖記
代篇

夫妻並立其高千里腹圍自輔孔子曰長者不過十丈
數之極也故不語怪

胡人彈骨越人剗臂中國呻吟

焦氏說楷卷之一終

焦氏說桔卷之二

紫蘭宮玉女王子登王母使也常出配北燭仙人

集弦膠出鳳麟洲亦名連金泥鳳喙麟角所煎

十洲記仙傳拾遺月支使者獻香出聚宿洲人鳥山樹如
楓香聞數里名返魂樹伐其根于玉翁煮取汁火煎如
黑粃名驚精香一名振靈丸一名返生香一名振檀香
一名却死香老杜色難腥腐食楓香正用此乃羅景綸
妄意佛經諸所艱楓與香等殊可笑用脩博洽亦謬引
何耶

南中異物志楓香樹似白楊葉圓而岐分有脂而香子大
如鴨卵二月花發乃著實八九月熟曝乾可燒惟九真

有之

寧封服明莖艸見腹光通外採以藉足入水不沉明莖艸
一名洞冥艸一名照魅草折枝爲炬照見鬼物太平廣
記作洞腹艸

食四節隱芝者位真卿食金闕玉芝者位司命食流明金
英者位司禡食長曜雙飛者位司命真仙食夜光洞草
者總主在左御史之任

壺公女施存孔子弟子

劉商服真木而仙語云欲長生服山精

楊通幽爲明皇通問貴妃者也羅公遠同明皇遊月中者

也

石曼卿主芙蓉城子建爲遮須國王

安期賜少君神樓散王君賜魏夫人遷神白騎神散金光化形靈丸

李泌乞爲道士代宗賜以紫衣道士賜紫自此始天后賜法朗紫袈裟僧賜紫自此始

仙家十養人間九鍊

燭夜花四出深紅類杯仙家用以酌酒

王褒爲小有洞天主清虛真人

太極真人命北寒玉女宋聯涓彈九氣璇青童命東華玉女烟景殊華西盈之鐘陽洛神命雲林玉女賈屈廷吹鳳喙之簫清虛真人命飛玄玉女鮮于虛金拊九合玉

集解卷一
卷之三
節太極真人發排空之歌青童吟太霞之曲神王諷晨
啓之章清虛咏鶯歎之辭

鹿皮公吞玉華而流蟲出戶賈季子咽金液而臭聞百里
黃帝火九鼎于荆山尚有喬嶺之墓李王服雲散以潛
是猶頭足異處墨狄因虹丹以入木竽生服石腦而越
火務光剪薤以入清冷之泉柏成納氣而腸胃三滌
禹東澗生菖蒲一寸九節安期服之仙去但留玉舄

蟹漆相合
成神仙藥

吹笙王子晉名喬在周飛鳥王喬在漢樂縣食肉芝王喬
在益州北平山

夔昭王得洞光之珠以飾宮王母三降其地名曰洞官楊

巨源詩洞宮曾向龍邊宿雲徑新從鳥外還劉滄詩沐
髮清齋宿洞宮桂花松韻滿岩風

劉安見帝謬稱寡人罰守天廁非以鷄犬升也用修謬
天女衣六鉢衣或曰五鉢衣詩玉肌無軫五鉢輕上清童
子衣五鉢服

方丈洲有九源丈人宮主領天下水神及龍精巨鯨陰精
水獸之屬

梯仙國宮室城樓悉是金銀珉玉所成初得仙者關送此
國脩行七十萬日然後得至諸天或玉京蓬島崑崙姑
射補仙官主錄主符主印主衣飛行自在也

度人經擲火萬里流鈴八衝杜牧之詩老翁四目牙爪利

擲火萬里精神高東坡詩仙風鏘然韻流鈴杜詩四目
今謫四百

曼倩兒時至紫泥海有紫水汚衣仍過虞淵湔洗朝發中
返已是經年

黃公三千歲一反骨洗髓二千歲一刻肉代毛三洗髓五
代毛

漢武帝所愛曰巨靈帝有青玉唾壺巨靈乍出入其中東
方朔目之化爲青雀飛去帝乃起青雀之臺

周穆王薦清澄琬琰之膏以爲酒進洞淵紅藏幬州甜雪
崑流素蓮陰岐黑棗萬年冰桃千年碧藕青花白橘素
蓮者一房百子凌冬而茂黑棗者其樹百尋實長二尺

核細而柔百年一熟

黃中李花開則三影結實則九影花實上皆有黃中二字
出龍月城西王母愛之過于蟠桃

吳茱萸艾葉川椒杜仲乾木瓜木鱉肉瓦上松花仙家謂
之水炙香

碧瑤杯紅蕤枕紫玉函是仙家三寶

陳搏有大靈豆服一粒四十九日不饑筋骨如故顏色反
嬰

麋鹿鹿是玉署三牲神仙所享故奉道者不忌

修養家謂梳爲木齒丹法用奴婢細意者執梳理髮逾多
逾神

玉女常以黃玉爲誌如黍米在鼻上無此者鬼試人也

朱草莖如珊瑚刻之汁流如血以玉投汁中丸之如泥久卽成水以金投之曰金漿以玉投之曰玉醴服之長生馮夷服入食得水仙此一馮夷也淮南子曰馮夷大丙之御也乘雲車入雲蜺許叔重云古之得道能御陰陽者又一馮夷也

范蠡隱于五湖屢更其號最後稱海濱漁父爲孔安國之師安國服鉅丹壽三百歲

心之爲字蓋覆火也火炎上養心者抑而下之此制字之義也養生者取用字卽坎三卦也

師延撫一絃琴孫登撫一絃琴王元美知有馬明生耳

水碧金膏靈運詩金膏滅明光水碧輶流溫江文通水碧
驗未贖金膏靈詎繙又倣倪摘木芝凌波采水碧李詩
水碧或可采金膏秘莫言

羸女井怪名好吹簫子美詩更有馮夷來擊鼓始知羸女
善吹簫註以爲弄玉非也張東之詩淮南有小山羸女
隱其間

苾荔生不背日冬夏常青體性柔軟香氣遠騰引蔓傍布
草有五義故以名僧

芬陀利華斜光下等六天所種

鷄冠花佛書謂之波羅奢花

袈裟佛典作筆毫一名逍遙服一名無塵衣又名水田衣

王維詩乞飯從香積裁衣學水田又名稻畦被王少伯
詩手巾花氈淨香帔稻畦成

跋遮那袈裟環也

頻婆果經云美好如頻婆果釋云端正也翻譯名義云相
思也二說不同

香界高適詩香界泯羣有 香阜江總詩息舟候香阜悵
別在寒林 仁祠皎然詩仁祠當絕境明牧躅靈踪又
陳音凋亡後仁祠識舊山 奈園王勃詩奈園欣八正
南史扶南傳曰佛髮青而細如藕絲

佛以乳香楓香爲天澤香 椒蘭蕙芷爲天末香 又天末
香莫若牛頭旃檀天澤香莫若詹糖薰陸天華香莫若

槩蘭伊蒲後漢所謂伊蒲之供是也

東坡奎宸閣碑銘巍巍仁聖體合自然神耀得道非有師傳人師經梵志曰吾聞佛道厥義弘深巍巍堂堂猶星中月神智妙達衆聖中不願開盲眼釋其愚癡佛世尊曰吾前世師其名難數吾今自然神耀得道非有師傳也八師不殺不盜不淫不惡口不飲酒老病死

佛典奇草芳花能逆風聞薰別賦閨中風煖塞上草薰六一詞草薰風暖搖征轡用此薰今誤作芳

婦人首裝曰鬟華嚴謂之華鬟樂天詩華鬟抖擲龍蛇動或省作鬢高僧傳枝跗鬢葉又作髢要雅云髢燒烟畫眉也汪伯玉贈伎曲縞帶全拋華鬟

遠公弟子惠要患山中無刻漏乃于水上制十二銅葉芙蓉
容因波隨轉分別旦夕以爲行道之節名蓮花漏張喬
詩遠公窓下蓮花漏猶向山中禮六時何兆詩芙蓉十
二池心漏簷葡萄三千灌頂香

古今共譯一切陀羅尼末句云莎嚙訶皆不切考清濁遂
使命章有異傳誦不一或云娑婆訶或云駁皤訶等九
呼不倫楷定梵音悉無本旨自是當時執筆之誤故尅
反上嚙訶爲正矣

三伊字作、最尊之辭如蒲曰伊蒲蘭曰伊蘭是也王
維詩三點成伊猶有相教乘法數有二伊之文謂新伊
舊伊也

佛經謂柳曰尼俱律陀木覆盆子花曰蘇密那花

始則獨頭無明二障次之極則至于八萬四千諸塵勞門此所生染法之名數也始以一心二空次之極則至于八萬四千清淨法門此所生清淨之名數也

阿那律陀無目而見跋難陀龍無耳而聽毘伽神女非鼻而聞香驕梵鉢提異舌知味舜若多神無身覺觸楞嚴經云純燒沉水無令起火此自佛以來相傳燒香法也

獲嘉禿士貫微奢僧如貴子弟旋織小疊勝羅染椹服號紫織方

老子始生其母名之曰玄祿

李鄴侯先墓曰靈城

竹萌一名竹胎一名籜龍東坡詩斤斧何曾放籜龍一名
玉版和尚暹羅迦邏島名佛影蔬

令草

萱

丹茗

石榴

栗皴子美詩嘗果栗皴開周繇詩開栗弋之紫皴貫休詩

新蟬避栗皴

朱仲李色黃大如櫻桃漢獻帝所植潘岳間居賦云房陵

朱仲之李王逸荔枝賦房陵縹李

仁頰一名檳門卽檳榔也上林賦注櫻也何謬

護門草一名百靈艸王筠詩霜被守宮槐風驚護門草

龍鍾竹

抱朴子朱炎礫石不靡蕭丘之木凝冰慘慄不凋款冬之
花用修謂出佛經誤

禹餘糧一名自然穀一名自然穀名篩實如大麥七月熟
與太乙餘糧一種特精粗異耳殼若蕷未凝者黃水久
凝則或青或白或赤或黃年多漸紫自赤至紫名太乙
諸色通云餘糧也

按張司空云是還魂石中黃子鬼神禽獸守之不可妄
得又似石類本草亦居石部當別是一種也

合歡蠲忿萱草忘憂合歡卽夜合一名合昏一名青裳詩
焉得諉草言樹之背以其忘故云諉諉忘也背堂北也
士衡詩焉得忘歸草言樹背與襟忘歸旣誤背又誤解

一云荳草忘憂臯蘇釋勞

文無

當歸

可離芳藥

五芝石芝木芝草芝肉芝菌芝蟾三千年頂生肉芝抱朴子曰行山中見小兒乘車馬長七八寸此肉芝也服之長生

泰山有青芝亦名龍芝抱朴子云青芝如翠羽光明洞徹如堅冰良常山有螢火芝葉似草大如豆紫花夜視有光食一枚心中一孔明食至七心七竅洞徹可以夜書王元美載芝名甚衆遺此

七明九光石芝名威喜樊桃木芝名獨搖牛角龍仙草芝名

槐生五日兔目十日鼠耳

秦室山有木葉如梨而赤理名曰指木服之不妬
菴蘘草爾雅作卷施拔心不死注宿莽也離騷云王僧孺
詩譬如菴蘘草心謝葉空存王筠詩菴蘘心未發靡蕪
葉欲齊

唐保大間詔苑令取泥溪美爲馨契侯擁培之具

唐莊宗牡丹名

百葉仙人 月宮花

小黃嬌

雪夫人

蓬萊相公 粉奴香

卯心黃

御衣紅

紫龍盃

三雲紫

盤紫酥

天王子

出樣黃

火焰奴

太平樓閣

薔薇一名玉鷄苗子晉與道士浮丘游伊洛之浦始受玉
鷄之瑞

芍藥一名婪尾春胡嶠詩辨裡數枝婪尾春蘇軾以酒巡
市爲婪尾樂天詩三盃藍尾酒歲蓋能推藍尾酒東坡
詩藍尾忽驚新火後邀頭要及浣花前又作藍尾矣
蔗有昆崙蔗夾苗蔗青灰蔗桃榔蔗

鷄冠棗宜作脯醕醚棗宜生啖

新羅松子有玉角香重堂棗御家長龍牙子河東葡萄有
百二子紫粉頭洛南瓜有御蟬香挹腰綠
夔趙瓜極盛道路濃香故云未至舌交先以鼻選
茄名落蘇煩帝名昆侖紫瓜故曰崑味

菘菜筍奴茵妾

薈葛梔子一名木丹一名越桃

白蘋蘋

烏椑椑

漢苑人形柳一日三起三倒李商隱江之媯賦豈知河畔牛星隔歲祇聞一過不及苑中人柳終朝剥得三眠桃黃吞之却食

菱華背日芡華向日菱華日舒夜欵芡華晝合宵炕蘇子由詩芡華初生縞如縠南風吹開輪轉轂紫苞青刺攢
蝦毛水面放花波裏漿森然赤手初莫近誰料明珠藏
滿腹姜梅山詩蝦腹出波烹芡實裹蹄和露摘蓮房
張公夏梨出洛陽北郊海內惟一樹潘岳賦張公大谷之

梨許渾詩藤蔓覆梨張谷暗

柿有七絕一壽二多陰三無鳥巢四無蟲五霜葉可玩六
嘉實七落葉肥大

竹祖 桐君 桃奴 一名梟桃 桃實經冬不落者能殺百
鬼 栗奴取簡勝栗一石加栗奴五斗春之栗奴能令
馨香 木奴 木仙 草帝謝調芭蕉歌草中一種無
比倫 瑣屑蒿萊望帝尊 稚孫南海稍經獲再生名稚
孫 穂稗

薛越文草可爲布上林賦薛莎青蘋文選焦葛升越弱于
綺羅

橄欖爲楫櫟魚則浮骨鯁以玉簪花根汁滴之則化

草母北地寒食始生徽宗詩草母初生認禁烟

杜衡卽杜若或曰非也杜衡爾雅謂之土鹵苗似細辛葉如馬蹄故一名馬蹄香臭如麝蕪食之已癰杜若廣雅謂之楚衡陶隱居所謂葉似廉薑而有文理根似高良姜而細味辛香又絕似旋復根者也唐慎微云旋復根卽眞杜若

桃都山蟠桃枝覆三千里有天雞鳴焉

太陽之草曰黃精餌之長生太陰之草曰鈎吻入口輒死
黃精一名重樓一名菟竹一名鷄格一名救窮一名鹿

竹

藥大毒有六一鈎吻二鴟三陰命四內童五鴉羽六螭蟠

櫻桃一名含桃一名荆桃一名石蜜一名崖蜜杜詩崖蜜亦易求又云崖蜜松花熟山杯竹葉春東坡橄欖詩待得微甘回齒頰已輸崖蜜十分甜是也糖霜亦名石蜜涼州異物志謂石蜜之滋甜于浮萍非蜂之類假石之名實出甘柘變而逾輕是也聚名木蜜楨木亦名木蜜枳句子依房生著杖輪大如指長數寸狀如珊瑚噉之甘美冷酒味薄名樹蜜曲禮婦人之贊楨是也蜀中有一蜂于野竹上結巢紺色甘美倍常名竹蜜安南有果大如東瓜皮有軟刺香甜飽人名波羅蜜高昌國南平羊刺無葉蜜色白而味甘鹽城羊刺葉大蜜色青而味薄名刺蜜交河沙中草頭有刺刺上有毛毛中生蜜名草

蜜亦名刺蜜胡人呼爲給勃羅

劉愷射一鹿剖五臟以草塞之蹶然而起愷密錄此草種之治傷折呼爲劉愷草此與劉寄奴甚類酉陽雜俎云卽天名精一云鹿活通志云天名精曰麥句薑曰蝦蟆藍曰豕首曰天門精曰彘頰曰蟾蜍蘭曰覲曰荔覲曰豨首曰天蔓精曰鹿活草曰劉愷草爾雅云荔覲豕首俗曰豨薺又云火欒又云地菘

杭州憲司有松化石鱗皴宛然蒼皮黛色永康延真觀前唐有道士指庭松曰此已三千年當化爲石至夕大風雨果化石青州燕氏堂後有柿園三尺凍裂根中有奇石長袤丈紋理莹然碧色可愛

濟南分流山有金杏上飲天漿下啜地沫故其生繁大於
梨黃於橘武帝訪蓬瀛有獻者帝嘉之故亦名漢帝果
簡子藤生綠樹木實如梨赤如鷄冠核如魚鱗取生食之
淡泊甘苦蕭子雲賦長卿晚翠簡子秋紅廣志侯驥蔓
生子如鷄卵旣甘且冷輕身消酒卽此

龍芻馬食之行千里古語一食龍芻化爲龍駒

桂蠹蟲楚辭注桂蠹以喻食祿之臣蓼蟲以喻放逐之士按文帝遣使南越回獻桂蠹一器又大業拾遺錄桂蠹紫色有香嗽之已陰瘻之疾

諸城有孝子灣亘四五里清瑩不涸嚴冬水合惟中央二
三尺不凍相傳爲王祥臥冰處上有祠

富彥國
中
外
事

富彥國在青社河北饑民爭歸之夫婦棄一兒空塚中比
歸復過則兒肥健于昔塚中有蟾蜍如車輪氣咻咻意
兒呼吸此氣自爾遂不食也抱朴子載陳弓異聞記云
同郡人張廣遭亂女四歲不能行棄塚中後三年還女
猶生問其故女曰糧盡以後見塚角一物申頸吞氣效
之不復饑尋視乃大龜也與此甚類

古謂龍嗜燕聞緇青人家燕巢中赤色光芒有聲若鼓老
父以杖探之有一小赤龍尺餘墮地忽一大龍丈餘徐
擁其子破屋而去又一家燕巢產白鳳雛三尺許
鍾乳有石鍾乳竹乳茅乳無問厚薄但光澤瑩淨者卽堪
入煉黃赤二色不堪也

宋留元寂長山捕一狸剖腹得一狸又剖之又得一狸三
狸雖相苞而小大不殊掛皮於屋夜有羣狸繞之號失
皮所在

孔子厄陳有人長九尺皂衣高冠聲動左右子路戰於庭
仆地乃大鯤魚也孔子曰吾聞物老羣精依之因衰而
至

東海中有半體魚狀如牛剝其皮縣之水至則毛起潮去
則毛伏海驢皮亦然

嚴僖與許由爲友蜀之嚴道人隱雅州應曜隱居淮上與
四皓同徵而不出擊峻字伯陵隱於汎山司馬遷以書
招之不從牛牢魏郡人立志不與光武交徐軒劉基宋

濂往訪之荷簾笠以見數事皆不見正史

女侍中魏元又妻也文學士孔貴嬪也女校書薛濤也女進士宋林妙玉也女狀元蜀黃崇嘏也按金石錄有超彥深母傅太妃亦曾爲女侍中又有清河王岳母山氏封郡君亦授女侍中

謝莊以風月景山水名五子颺朏顥挺藩也宋子虛名友五子森森焱垚垚近一士夫亦襲用之

氏族書有吞景雲呑音前切賈誼新書有鬚子漢唐君碑有閭葵班戰國策有繆錯有挈薄漢書有姓偉李鼎祚周易

集解有宋東

森突音

鯀魚字軒人

古呼獄參軍爲長流少昊崩神降長流之山于祀主秋沮誦與倉頡始作書契

駔瞻曰牙郎本作互郎二字相近舛相襲耳

年壯而艾髮者曰算髮本草云蕪菁子壓油塗頭能變蒜
髮陸德明曰黑白雜爲宣髮三字不同說卦巽爲宣髮
絲音護絲繩也見金陵學宮所刻山谷辨剛卯說今煨久
矣

禹女之儀狄也衛夫人之潔也漢之許負也女而男名也
晉之馮婦也吳之暨艷也男而女名也衛潔字茂漪汝
陰太守李矩妻暨艷附陸抗傳許負相亞夫者河內溫
人老嫗也高祖封爲鳴雌侯

太真名玉環。一名玉奴。潘淑妃名玉兒。東坡梅詩玉奴終不負東昏。以玉兒身死國除。不擬負他語。而曰玉奴何也。臨春結綺荒荆棘。又誤爲張麗華一事而兩誤。

翠筑蓂莢實也。江淹去故鄉賦北風。杼兮絳花落。流水散

兮翠筑疏

懷夢草余夙以對返魂香。今觀南海睡蓮正可對夢草耳。夢草晝入地夜復出似蒲色紅蕡云帝之季女名曰瑤姬精魂化草實爲靈芝媚而服之則與夢期。

槐木陳枚較莊子陳人又奇流甘露于槐木扇惠風于陳

枚

石雞清響以應潮故一名潮雞

鯀大蝦也出海中者長二三丈游則豎其鬚鬚長數尺可爲簾也

閩有梅蝦蘆蝦泥蝦苗蝦尚無傳也又名一足足懷仁般般擾義鷗鷗之信不如鷹周周之智不如鴻用修旣謂天祿爲蝦蟆又謂一角爲天祿兩角爲脾邪蝦蟆豈有角耶沈約宋書天鹿純靈之獸五色光耀洞明天鹿疑卽天祿

鰐魚如蚶而彘尾廣志云鰐似便面揚奢似帆一日鰐帆鱉帆如便面海鏡似搔頭

溟海以魚爲飯曰鰐食江賦食則蔬鰐靖州圖經其俗以魚爲蔬湖北謂之魚菜杜詩小白羣鰐也天然二寸魚

細微沾水族風俗當園蔬余嘗有詩云鱸蔬酒堪醡指此又成都以魚爲米亦曰魚米

寄居殼似蝸一頭小蠛一頭螺蛤寄在殼間常候蝸開出食螺欲合遽入殼中瑣玷似蟀一小蟹在腹中爲瑣玷出求食或不歸而餒死淮南人名之蟹奴海南名蠣奴水母名蠚一名蛇又名樗蒲魚又名海靼如羊膾以蝦爲目江賦瑣玷腹蟹水母目蝦少時曾見之鄉人名狎潮

龍九子囚牛好音樂故居胡琴睚眦好殺故居刀柄嘲風好險故居殿角蒲牢好鳴故居鐘紐狻猊好坐故爲佛坐霸下好負重故用載碑菽園雜記云贔屭好負重故

用載碑、螭吻好望故立屋角徒牢好吼故懸鐘上憲章
好囚故居獄門、饕餮好食故立橋上、蟋蟀好腥故居刀
柄、蟬蛤好風雨故立殿脊、螭好文故立碑首、金猊好烟
故居爐蓋、椒圖好閉故居門上、叨鴟好險故立護堦、鰐
魚好吞火故立屋脊、獸吻好食陰邪故立門環、金吾性
不睡故用巡警此事又考得狴犴好訟故居獄門、貞節
好文故居碑蹲、蚩吻好吞故居殿脊霸下卽巖鳳一名
觜螭又作臂係

孝宗曾詢之李東陽李遍索止得其六菽園雜記所載全
不相襲又得十四以俟博雅

博雅蠍蝎魚伯青蚨也搜神記南海有蟲名蠍蝎如蟬大

辛美可食子如蠶種殺其母塗錢子塗貫用錢則自還卽青蚨也或曰今閩廣所食龍蝨是

蜀蠶女父爲人掠惟乘馬在母誓得父者要以女馬迅去得父還父違誓殺馬曝其皮皮捲女飛文化爲蠶披馬皮謂之馬頭娘蜀人祀以祈蠶此與繫瓠事甚類蜀曰蠶叢豈謂是耶

鱸形如鼴喙長半其身牙如鋸尾有二鈎甚利遇鹿豕尾戰之以食

匏螽匏瓢也劉向九歎莞芎棄於澤洲兮匏螽囊於筐簏
子淳梳頭宮樣粧本劉禹錫贈杜司空伎詩今作高髻雲
髻又作韋詩誤二矣一作委鬢梳頭宮裝名也畫家謂

渲染

南史桂山篁渚非止素玩碧澗清潭翻成麗鴟

語忘敬遺二鬼婦人臨產呼之不害人

狐狼知孤虛虎豹識衝破

離上無尋鶴上無常雉上有文鸚上有赤

籍孺韓嫣形要骨蘭皮媚色稱論衡要與麗同蘭奸同二

字未見

重足側立腹誹心呴心呴卽心非

孝經援神契王者德至于地則華苹生祥瑞圖曰雙蓮爲
苹東都賦又作華平云植華平于春圃蓮豈通圃植耶
係臂如龜生於海洲欲先捕之必祭以求有不信者風波

覆舟接係臂當作臂係與臚臚字與音同似玳瑁而薄卽鼈同也吳都賦巨鼈鼈廣韻以爲鼈一雌鼈爲臚今碑跡象之龍九子之一也用修以臂係爲海錯而以鼈爲螭吻之屬何謂一作觜螭吳都賦捫觜螭

青桐子生秦鄂間如乳曰桐乳莊子桐乳致巢是也庾信詩草筍長帶桐垂細乳又桐井曉寒千乳結茗園春嫩一旗開亦有致桐有四種一曰白桐一曰莊桐一曰岡桐一曰梧桐卽青桐也又名楓白桐榮而不實亦名榮桐木陶詩冉冉榮木結根在茲

欹案始于曹公六朝人作隱橐又便于欹案王維詩隱橐紗帽坐彈碁

古今之米糊羹楚辭精瓊糜以爲糧

蓮子湖目芡實水芝

南方荒中有如何樹三百歲華九百歲實如棗長五尺金
刀割之則飴非此則辛食之得地仙酉陽雜俎云出祁
連山名四味木竹刀剖則苦木刀剖則酸蘆刀剖則辛
金刀剖則甘或曰卽火棗也又曰楊桃仙枣之傍
闔廬庖所夏日曰冰厨

糟者猶糟實者猶實玉者猶玉血者猶血酒者猶酒
巫覡曰璠眊見本草

蓼蕷習苦桂蠹喜甘大睡劇于據梧長昏甚於枕麌陽燧
含景還臂日輪甘露入盤足稱天酒

天寶有兩鸚鵡一雪衣女侍貴妃誦經者也一綠衣使者訟楊崇義寃者也張說爲作傳

西涼國進瑞炭百條青硬如鐵長尺餘可燒十日無焰有光熱氣追人不可近也

南方有魚取脂以照力作則暗照鑿餐之具則甚焰時號餛魚燈每見漁家以江豚脂爲照名懶婦燈卽此物耳酉陽雜俎云奔鯨非魚非蛟大如船長二三丈色如鮀有兩乳在腹下相傳懶婦所化一頭得膏三百斛取之燒燈照讀書紡績輒暗照歡樂之處則明

興慶池南有醒醉草葉紫而心殷醉者嗅之立醒木芍藥亦爲醒酒花

王莽改泉爲白水真人五銖自稱爲上清童子政堪作對耳趙德麟青州從事對白水真人東坡詩就意青州六從事化爲烏有一先生

華清有端正樓貴妃梳掠之所有蓮花湯貴妃澡浴之室唐女妓入宜春院者曰內人亦曰上頭人亦曰內家趙德麟謂得幸者爲十家遂引鄭嶧詩十家三國爭光輝不知明皇時十宅諸王與韓虢最爲寵盛鄭詩指此爾山家清事臘月剖修竹相接各釘以竹丁引泉之甘者貯之杜詩剖竹走源泉又竹竿裊裊細泉分是也閩中不特引供茗事千百相連置之田間以當溝洫仁和李夫人詩云引泉竹溜穿厨入墮粉松花遶舍香閨奩中

有此殊多林下風

五月十三日節句注日八月八日爲醉日亦爲迷日
藥欄今作花藥之欄非也漢宣詔曰池藥未幸御者假與
貧民注以竹繩連爲禁藥老杜亦誤用

岷山之下凶年以蹲鴟爲梁本草謂之土芝芋也

生而避諱者杜操避魏武諱以字行曰度死而避諱者荊
徹史避漢武諱曰通山避諱者恒山避漢文諱改曰常
山姓避諱者莊周曰嚴周子陵曰嚴子陵南華曰嚴子
莊助曰嚴助宣帝諱荀改荀卿爲孫卿

腊肉謂之寒寒與韓通鹽鐵論羊淹鷄寒劉熙釋名韓羊
韓雞是也曹植樂府寒鱉炙熊蹯五臣乃竄寒鱉爲烹

繁七居寒芳蓮之巢龜爲寒芳蓮之巢龜

纂王芻注纂蓐也今呼鵝脚莎按本草作蓋草葉似竹而細薄莖圓小生溪側竹萹蓄注似小藜赤莖節生道旁二草似竹而非故淇澳三章云青青三章云如簧耳謝莊竹贊瞻彼中唐綠竹漪漪甚謬而資暇錄辨之復不能曉然別其爲二爾雅何可不讀

積石山之桃實大如十斛籠洪武中出巨桃核長五十廣三寸七分蔑矣

龍鐘竹名枝葉垂委不能自扶故老敝曰龍鐘資暇錄謬謂鐘卽涔龍致雨上下所踐之鐘淋漓濺澣此成何語

藥有甘草茶亦名甘草清異錄謂陸羽爲甘草癖是也藤亦有甘草出潮陽及南漳資暇錄謂叢似薔薇葉似夜合花淺紫而葉黃枝葉俱甜故亦名甘草

去陰就陽謂之陽烏鳩鴈是也純黑而反哺者謂之烏小而腹下白不反哺者謂之鴉烏白項而羣飛者謂之燕烏白脰烏也鴉烏鷺也亦曰鷺鷥日冬漸南夏至漸北鴈之南北與日進退隨陽之鳥故曰陽烏日亦名陽烏見廣雅蜀都賦陽烏廻翼於高標王半山詩鴻鴈無定栖隨陽以南北

考工深其爪出其目作其鱗之而之而煩之鬚鬚也半山押而字采鯨抗波濤風作鱗之而奇絕

西樓有蒲瀕水叢生一榦葉如柳不盈尋丈用以作箭不
矯揉而堅左氏所謂董澤之蒲是也

堯之時，猰貐封豕，鑿齒皆爲人害。應劭云：猰貐類驅虎爪，
食人。山海經：猰貐蛇身人面爲二負之臣，危所殺開明。
東有巫夾猰貐之尸，皆捺不死之藥以拒之。猰貐變爲
龍首，居弱水中，食人。淵明詩：猰貐強能變，祖江遂獨死。
是也。鑿齒齒長五尺，似鑿，亦食人。長楊賦：昔有彊秦封
豕其土，猰貐其民，鑿齒之徒相與磨牙而爭之。封豕一
作封豨。山海經：謂帝牿二負疎屬之山。桎其右足，反縛
兩手，以髮繫之盤石之下。宣帝時見之。

漢書：水居千石魚波波即言養魚一歲收千石也。吳中買魚

論斗酒乃論斤皮日休詩一斗霜鱗換濁醪

鐵室甲也韓非子矢來有鄉則積鐵以備一鄉矢來無鄉則鐵室以盡備之

金斗熨波刀剪紋

樂天波平熨不如

龜蒙

又天如重熨皺綠波

如熨縠愁腸

庭筠

金斗熨沉香又金斗熨秋江

王君玉

東漢旣擒白波賊卷之如席故謂痛飲爲卷白波一曰酒

令名打嫌調笑易飲訶卷波遲

調笑拋打曲名

考工記犀甲壽百年兕甲壽二百年合甲壽三百年唐書
百官志席壽三年鼈壽五年櫛壽七年本此

虬泉池有追雲舟起風舟待仙舟含烟舟或以沙棠爲櫓
櫓或以木蘭文柘爲櫓棹李詩木蘭之柂沙棠舟用此

赤豆湯洗色衣垢楊桃去粘研芥子入豆腐不生蟲牛乳
去油

五倍子代力士止水丸

殷七子名鄰多術嘗呪水成濃醪挪土成鹽一日令屏上
人唱歌聲清亮似從屏中出歌曰愁見唱陽春令人離
腸結郎去未回歸柳自飄輕雪以不知何幻樹逐行以
都夷香如棗核食一片歷月不饑以粟許投水俄滿大盂
垂龍木高十丈有朱露色如丹汁灑其葉皆成珠亦名珍
珠樹

波祇國有神精香草亦名荃蘿亦名春蕪一根百條皮如
絃可爲布所謂春蕪布又名香荃布握一片滿室皆香
婦人帶之彌芬馥

翕韓國有飛骸獸狀如鹿青色以寒青之絲繫之及死惟
繫處存而頭尾及骨皆飛去亦云必大飄
嶠嶢細棗出嶠嶢山山臨碧海萬年一實昨之有膏膏可
然燈王母握以獻武帝

招仙閣有浮金輕玉之磬浮金浮水上今海濱亦有浮
石余親見之金石皆堅重此謂何

漢武帝有沉光香、精祇香、明廷香、金碑香、塗魂香
瑤琨去玉門九萬里碧草如麥割之作釀味如醇醪飲一
合三旬不醒

全山之背梨大如升或曰斗紫色千年一花亦曰紫輕梨
琳國去長安九千里生玉葉李色如碧玉數十年一熟味

酸韓終嘗餌之名韓終李

劉遺民曾爲柴桑令今多以爲淵明謬也樂天詩木落天
晴山翠開愛山騎馬入山來心知不及柴桑令一宿西
林便却回

五味草初生味甘花時味酸食之不眠故一名却睡草出
未多國

掌中芥葉如松子置掌中吹之一吹長一尺至三尺然後
可移于地不然不生也食之能空中孤立足不躡地亦
名躡空草幻滅之說孙少川以之作詩云
闇衣柰大如斗甜如蜜核紫花青研之有汁如漆染衣不
可湔浣以之染衣不為薄

爪長一尺花紅葉素生於冰谷暇丘仲食之千歲不
渴嘗有霜如蜜津

玄都翠水有菱碧色狀如雞飛亦名翔鷄菱仙人鳧伯子
常採食之

遠飛鷄如鵠大色紫翼下有目亦名目羽鷄嘗銜桂實歸
南山衆仙以釀酒曰桂醪嘗一滴舉體如金陸通嘗餌
黃桂之酒

臯陶喑而爲大理此劉安怪誕之談不爾當云即使臯陶
喑而爲大理民亦不究也蓋假令之辭耳謂臯陶真喑
則虞書臯陶謨孰都而孰俞之

侯古音胡詩羔羊如濡洵美且侯易林季姬踟蹰望我城

隈終日至暮不見齊侯喉亦音胡後漢童謡吏買馬君
具車請爲諸君鼓嚨嘲晉志前年食白飯今年食麥孚
天公誅謫汝教汝搥嚨嘲濁古音獨孟子滄浪之水濁
兮可以濯我足兮史記潁水清灌氏寧潁水濁灌氏族
儀音俄詩實惟我儀叶在彼中河太玄各遵其儀叶不
偏不頗爽古音霜詩女也不爽士二其行又其德不爽
壽考不忘老子五味令人口爽英古於良切楚詞洛蘭
兮沐芳華采衣兮若英荀卿賦仁人紬約傲暴擅强天
下幽險恐失世英采此禮切參差荇菜左右采之窈窕
淑女琴瑟友之采采芣苢薄言采之采采芣苢薄言有
之蒹葭采采白露未已所謂伊人在水之涘華音敷易

枯楊生華老婦得其士夫漢書仕宦當作執金吾娶妻
當得殷麗華田音陳易林邪徑賊田政惡傷民又宣髮
龍身爲王主田漢童謠邪徑賊良田讒口害善人桂樹
花不實黃雀巢其顛謀莫胡切易林狼戾靡謀無言不
殊又張陳嘉謀贊成復都牙叱胡切詩予王之爪牙胡
轉于于恤靡所止居太玄首夷其牙或飫之徒豨毅其
牙發以張弧急就章款冬貝母薑狼牙亭歷桔梗龜骨
枯山所旃切古詩藁砧今何在山上復有山何當大刀
頭破鏡飛上天楚辭高堂邃宇櫺層軒層臺累榭臨高
山網戶珠綴刻方連口孔五切詩好言自口莠言自口
憂心愈愈是以有侮漢書田於何所池陽谷口鄭國在

前白渠起後舉垂爲雲決渠爲雨涇水一石其泥數斗
日溉月糞長我禾黍衣食京師億萬之口厚狼口切詩
蛇蛇碩言出自口矣巧言如簧顏何厚矣易林文王四
乳仁愛篤厚耆果羽切崔駰賦關四門以博延兮彼幽
牧之我舉分盡定而計決兮豈云責于鄙者陸機文當
究遐德登茲黃耇緝熙有晉克壯常字寫賞羽切詩零
露滑兮我心寫兮是以有譽處兮諺曰書三寫魚成魯
帝成虎潤巨列切詩日之夕矣牛羊下括君子于役苟
無饑渴黃庭經時念太倉不饑渴役使六丁神女謂垂
公回切蘇武詩胡馬失其羣思心常依依何況雙飛龍
羽翼臨當垂崔駰達旨淳朴散離人物錯垂高辛攸降

厥趣各違稼古護切詩九月築場圃十月納禾稼易林
沾洽時澍生我禾稼角盧谷切詩麟之角振振公族誰
謂雀無角可以穿我屋蛇唐河切詩素絲五紵委蛇委
蛇楊雄反騷既亡鸞車之幽藹兮駕八龍之委蛇臨江
瀨而掩涕兮何有九招與九歌降乎攻切詩憂心忡忡
我心則降楊雄河東賦雲霏霏而來迎兮澤滲灘而下
降鬱蕭條其幽藹兮渝汎沛以豐隆售時周切詩不我
能憐反以我爲讎既阻我德賈用不售樂府將頓樓蘭
鄰就解月支裘勿令如李牧功多信不售餐須倫切坎
坎伐輪兮河之濶兮河水清且淪猗不稼不穡胡取禾
三百囷兮不狩不獮胡瞻爾廷有縣鵠兮彼君子兮不

素餐兮宋玉九辨竊慕詩人之遺風願托于素餐塞尤
詬而無端兮汨莽莽而無垠西音先窮鳥賦幸賴大賢
我矜我憐昔濟我南今振我西魏明帝詩涼風夕起悲
彼秋蟬變形易色隨風東西子建詩驚飈接我出故歸
彼中田當南而更北謂東而反西哀於希切詩我心傷
悲莫知我哀國語冬聚其所有以待所歸兮猗兮違兮
心之哀兮他如風孚金切敵德補切垢果羽切下狼厚
切馬音某不可殫述今略記其一二蓋自四聲出而吉
韻廢世遂無知者卽有一二知之而聽者如侏儒咿嚦
至不可解嗚呼古道何從復乎惟一文字不知其精

水蘆卽游龍生澤中本草云一名鴻鵠枝幹樛屈著土

根如龍淮南子謂之屈龍洛神賦婉若游龍意以水華
方水仙耳詩隰有游龍如驚鴻何毛云紅草也陸璣云
一名馬蓼草葉大而赤白生水澤中高丈餘爾雅紅龍
古其大者蘚今謂之水蓼俗名水紅不過二三尺爾雅
又有龍天蕪須葑蓰未知孰是今水中又有龍爪其花
盤辟如龍或是也但爾雅紅龍古從龍

鼈三足曰能龜三足曰賁

公羊傳諸侯有疾曰負茲注茲新生草也一年草生一蕃
故以茲爲年古詩爲樂當及時何能待來茲史記武王
入商康叔封布茲注蓐席也荀子琅玕龍茲華瑾以爲
實注龍茲卽龍須或曰茲髭同史記索隱云茲公明草

或作負薪周益公表介竹無功憩醉鄉郡負茲有疾願
備祠官

計然姓辛名文子因善計而精研故又作計研又作計倪
漢碑又作峩研峩音計管子周人之王循六峩行陰陽
處戲以來未有不以輕重而能成其王者也又賓戲研
桑心計於無垠

淫魚頭與身相半長丈餘鼻正白身正黑口在額下狀似
鬲有鬚無鱗性喜音聞樂輒昂頭水上聽之淮南子瓠
巴鼓瑟而淫魚出聽是已今誤作游魚魏文帝詩淫魚
乘波聽踊躍自浮沉

八駿穆夫子傳鰔騮綠耳赤鸞白犧渠黃踰輪盜驪山子

拾遺記絕足翻羽奔霄越影踰輝超光騰霧挾翼博物
志赤驥飛黃白蟻華駘綠耳騶駘渠黃盜驪三書所載
不一

穀音構樹名皮可爲紙史記桑穀共生王右軍傳秃干兔
之翰聚無一毫之觔窮萬穀之皮敘無半分之今穀
穀殊不分

漢書雲起龍驤化爲王侯老杜用其語云攀龍附鳳勢莫
當天下盡化爲侯王文賦意司契而爲匠老杜意匠慘
淡經營中詩有客有客亦白其馬老杜有客有客字子
美此老一字必有元本此指其最無繁闊者言耳

王褒聖主得賢臣頌賢人君子聖王之所以易海內也是

以嘔喻受之嘔喻音歐由司馬相如凡將篇淮南激楚舞囁喻古曲名也

淮南子犬羣嗥而入淵曾憶某城雷震合城數十犬奔赴某河死方知古人無誕言也

歐陽公作五代史謂吳越儀衛名稱多如天子惟不改元至著十國世家云聞之故老亦嘗稱帝改元而事無可考獨得其封落星石爲寶石山制書稱寶正六年辛卯耳按辛卯卽唐明宗長興二年又至正中海寧州得古墓有誌磚爲吳越將許俊誌稱寶正三年又寶太元年羅隱記新城縣記云癸未歲癸未乃唐莊宗元年以此知吳越之改元審矣

禪月貫休嘗以詩投錢鏗有滿堂花醉三千客一劍霜寒
十四州鏗愛其句遣吏諭之曰教和尚改十四州爲四
十州方與見休曰州亦難添詩亦不改閒雲野鶴何天
不飛耶遂飄然入蜀

骨咄犀犀之極貴而小者紋如象牙黃色性至毒而能解
毒陶南村以爲蛇角非

世有兩許俊一唐人爲韓翃奪章臺柳者爲御史中丞都
押衙一吳越時人亦爲御史中丞都押衙

生柴然火曰滑柵山谷詩炙背宵眠滑柵火嚼冰晨飯薩
波薺可謂奇癖

爾雅蕨蕷注初生無葉可食狀如大雀拳足又如足之贊

也故謂之蕨周秦曰蕨齊魯曰鱉俗云初生亦類鱉脚
故云鱉詩陟彼南山言采其蕨沈約郊居賦紫鼈綠菰
太白詩初拳幾枝蕨

疎麻大二圍高數丈四時結實無衰落楚詞采疎麻兮璠
華

薜荔本草名絡石在石曰石鯀在地曰地錦繞叢木曰長
春藤又曰龍鱗薜荔又曰扶芳藤離騷披薜荔兮帶女
蘿

宋世家微子問于少師太師孔安國直以太師爲箕子少
師爲比干不知周世紀太師疵少師强已明指其人前
既以微子啓太師疵少師強混爲一人今復令胥餘冒

疵之名比于侵強之職小司馬猥陋旣誤引安國之注
故於下文太師少師乃勸微子去遂不可解而曰少師
似誤更不知誰誤耳

夏有鬻熊周亦有鬻熊一爲周師文王以下問焉楚祖也
著鬻子二十二篇一爲夏宗伯唐天寶六載詔配享禹
于安邑是也

屠蘇平屋也又菴也雪賦韜學恩之飛棟沒屠蘇之高影
杜詩願憑金驥裏走署錦屠蘇冠亦名屠蘇以有屋也
元康諺曰屠蘇鄭日覆兩耳會見喝兒作天子酒本名
酴醿後更譌爲屠蘇云起自孫思邈取菴名以名酒者
附會也

道曰虛皇釋曰空王